

續通志

唐紀

憲宗  
穆宗  
敬宗

第十冊

續通志卷第十

唐紀十

憲宗 穆宗 敬宗

憲宗皇帝諱純順宗長子也。母曰莊憲皇太后王氏。大歷十三年二月。生于長安之東內。貞元四年六月己亥。封廣陵郡王。二十一年三月。立為皇太子。永貞元年八月。順宗詔立為皇帝。乙巳。即皇帝位。于太極殿。丁未。始聽政。庚戌。罷獻祥瑞。癸丑。劍南西川節度使韋皋卒。行軍司馬劉闢自稱留後。戊午。天有聲于西北。己未。袁滋

為劍南西川山南西道安撫大使辛酉太上皇誥冊良  
姊王氏為太上皇后癸亥尚書左丞鄭餘慶同中書門  
下平章事九月己巳罷教坊樂工正員官辛未河陽三  
城節度使元韶卒癸酉以陳州刺史孟元陽為懷州刺  
史河陽三城孟懷節度使十月丁酉為曾太皇太后舉  
哀詳見代宗睿  
真沈皇后傳賈耽薨戊戌舒王誼薨袁滋罷宰相表  
罷為檢  
校吏部尚書同平  
章事西川節度使十一月壬申貶韋執誼為崖州司馬  
貶劍南西川節度使袁滋為吉州刺史夏綏銀節度留  
後楊惠琳反以左驍衛將軍李演為夏州刺史夏綏銀

等州節度使壬午吏部尚書鄭珣瑜卒十二月甲辰襄  
陽于頔加平章事己酉以西川行軍司馬劉闢為成都  
尹劍南西川節度使壬子以右諫議大夫韋丹為梓州  
刺史充劍南東川節度使壬戌中書舍人鄭絪為中書  
侍郎同中書門下平章事

元和元年春正月丁卯大赦改元賜文武官階勳爵民  
高年者米帛羊酒辛未以鄂岳沔觀察使韓皋為鄂岳  
蘄安黃等州節度使壬午成德軍節度使王士真同中  
書門下平章事癸未長城使高崇文為左神策行營節

度使率左右神策京西行營兵馬使李元奕山南西道

節度使嚴礪劍南東川節度使李康以討劉闢甲申太

上皇崩劉闢陷梓州執李康二月乙未嚴礪奏收劍州

癸丑以魏博田季安同平章事三月丙子高崇文克梓

州胡三省曰嚴礪先拔劍州故高崇文丁丑詔削奪劉

闢在身官爵辛巳楊惠琳伏誅壬辰以右神策行營節

度高崇文檢校兵部尚書梓州刺史劍南東川節度使

夏四月壬寅以前安南經畧使趙昌為廣州刺史嶺南

節度使謹按舊書在三月三月乙丑朔則壬寅當是四月癸卯前嶺南節度使

徐申卒丁未杜佑為司徒戊申以隴右經畧使劉潼為

保義軍節度使壬戌邵王約薨謹按舊書作邵王總考諸王傳邵王約元和元年薨邵王總元和三年薨舊書誤初令尚書省六品諸司四品以上職

事官太子師傅賓客詹事王府傅日二人待制五月壬

申貶劍南東川節度李康為雷州司馬以橫海軍留後

程執恭為橫海軍節度使庚辰鄭餘慶為太子賓客罷

知政事謹按鄭餘慶傳與舊書同新紀宰相表皆不載辛卯尊母為皇太后六

月癸巳降死罪以下賜百姓有父母祖父母八十以上

者粟二斛物二段九十以上粟三斛物三段丙申大風

者粟二斛物二段九十以上粟三斛物三段丙申大風

拔木丁酉高崇文及劉闢戰于鹿頭柵敗之

一統志鹿頭關在成

都府德陽縣北三十里

癸卯嚴礪又敗之于石碑谷

九域志漢州綿竹縣有石

碑鎮閏月壬戌平盧軍節度使李師古卒其弟師道自稱

留後秋七月己酉太子少保韓全義卒癸丑高崇文及

劉闢戰于元武敗之八月癸亥以左衛大將軍李愿檢

校禮部尚書夏州刺史充夏綏銀節度使丁卯進封子

平原郡王寧為鄧王同安郡王寬澧王延安郡王宥遂

王彭城郡王察深王高密郡王寰洋王文安郡王察絳

王封子審為建王己巳以建王審為鄆州大都督平盧

淄青節度使以節度副使李師道權知鄆州事充節度

留後九月丙午嚴礪及劉闢戰于神泉敗之辛亥高崇

文克成都冬十月甲子滅劍南東西川山南西道今歲

賦釋脅從將吏葬陣亡者稟其家五歲丙寅以劍南東

川節度使高崇文檢校司空兼成都尹御史大夫充劍

南西川節度副大使知節度事兼雲南安撫等使改封

南平郡王

謹按舊書此處脫十月字九月辛卯朔則不應有丙寅通鑑亦作十月丙寅

戊戌

以山南西道節度使嚴礪為梓州刺史劍南東川節度

使以將作監柳晟檢校工部尚書兼興元尹充山南西

道節度使庚辰以吉州刺史袁滋為御史大夫充義成  
軍節度使壬午以淄青節度留後李師道檢校工部尚  
書兼鄆州大都督府長史充平盧淄青節度副大使知  
節度事戊子劉闢伏誅十一月甲申以寧武軍節度張  
愔為工部尚書以東都留守王紹檢校右僕射兼徐州  
刺史武寧軍節度使徐泗濠等州觀察等使謹按新書  
云庚戌鄭  
餘慶罷考餘慶傳初罷為太子賓客改國子祭酒舊書  
餘慶罷為太子賓客在五月此月云以國子祭酒鄭餘  
慶為河南尹則罷知政事已久新書于此月書罷疑誤  
宰相表云十一月庚戌罷為河南尹考本傳餘慶未嘗  
為河南尹舊紀新  
書宰相表均疑誤是歲召王僖薨置武昌軍節度使罷

奉義軍節度升隴右為保義軍節度使尋罷

依方鎮  
表輯

二年春正月己丑朝獻于太清宮庚寅朝享于太廟辛

卯有事于南郊大赦賜文武官勳爵文宣公二王後三

恪公主諸王一子官高年米帛羊酒加版授乙巳杜黃

裳罷

宰相表罷為檢校司空  
同平章事河南節度使

己酉御史中丞武元衡為

門下侍郎中書舍人李吉甫為中書侍郎同中書門下

平章事二月己巳罷兩省官次對庚午司天造新歷成

詔題為元和觀象歷癸酉邕管經畧使路恕敗黃洞蠻

執其首領黃承慶夏四月甲子以右金吾衛大將軍范

希朝為檢校司空靈州長史朔方靈鹽節度使六月戊  
午鳳翔節度使張敬則卒辛巳以京兆尹李鄘為鳳翔  
尹鳳翔隴右節度使秋八月辛巳封杜黃裳為邠國公  
于頔為燕國公九月乙酉密王綢薨冬十月己酉以浙  
西節度使李錡為左僕射以御史大夫李元素為潤州  
刺史鎮海軍浙西節度使鎮海軍節度使李錡反殺留  
後王澹壬戌詔李錡在身官爵並宜削奪乙丑淮南節  
度使王錡為諸道行營兵馬招討使以討之丁卯武元  
衡罷宰相表檢校吏部尚書無門下  
侍郎同平章事西川節度使癸酉鎮海軍兵馬

使張子良執李錡己卯免潤州今歲稅十一月甲申李  
錡伏誅十二月丙寅劍南西川節度使高崇文為邠寧  
節度京西諸軍都統己卯史官李吉甫撰元和國計簿  
總計天下方鎮凡四十八管州府二百九十五縣一千  
四百五十三戶二百四十四萬二百五十四其鳳翔鄜  
坊邠寧振武涇原銀夏靈鹽河東易定魏博鎮冀范陽  
滄景淮西淄青十五道凡七十一州不申戶口每歲賦  
入倚辦止于浙江東西宣歙淮南江西鄂岳福建湖南  
等八道合四十九州一百四十四萬戶成書十卷是歲

置武寧軍節度使升浙江西道為鎮海軍節度使依方鎮表

輯

三年春正月癸巳羣臣上尊號曰睿聖文武皇帝大赦  
罷諸道受代進奉錢二月丙申李吉甫進封趙國公己  
丑以武昌軍節度使韓舉為潤州刺史鎮海軍節度浙  
江觀察使癸丑以鄜坊節度使裴玢為興元府山南西  
道節度使丙子以右金吾衛大將軍路恕為鄜州刺史  
鄜坊節度使三月癸巳郇王總薨庚子以定平鎮兵馬  
使朱士明為四鎮北庭涇原等州節度使夏四月癸丑

賜朱士明名曰忠諒壬申大風壞含元殿西闕檻乙亥以  
嶺南節度使趙昌為江陵尹荆南節度使以戶部侍郎楊  
於陵為廣州刺史嶺南節度使五月壬辰兵部請復武舉  
從之六月西原蠻首領黃少卿降丁丑沙陀突厥七百人  
攜其親屬歸鎮武節度使范希朝乃授其大首領曷勒河  
波陰山府都督劉友益曰朱邪入中國始此此五季唐之始秋七月辛巳朔日  
有食之九月庚寅山南東道節度使于頔為司空同中書  
門下平章事以右僕射裴均檢校左僕射同平章事襄州  
長史充山南東道節度使加宣武韓宏同平章事丙申戶



部侍郎裴垪為中書侍郎同中書門下平章事戊戌李吉甫罷

宰相表檢校兵部尚書兼中書侍郎同平章事淮南節度使以淮南節度使王鐔

檢校司徒河南尹河中晉絳慈隰節度使河中節度使杜

黃裳卒是歲淮南江南江西湖南山南東道旱

四年春正月壬午免山南東道淮南江西浙東湖南荆

南今歲稅戊子簡王邁薨二月丁卯鄭綯罷宰相表罷為太子賓

客給事中李藩為門下侍郎同中書門下平章事三月

乙酉成德軍節度使王士真卒其子承宗自稱留後閏

月己酉以旱降京師死罪非殺人者禁刺史境內權率

諸道旨條外進獻嶺南黔中福建掠良民為奴婢者省

飛龍厩馬己未雨丁卯立鄧王寧為皇太子夏六月丁

丑以河東節度使李鄘為刑部尚書充諸道鹽鐵轉運

使以靈鹽節度使范希朝為太原尹北都留守河東節

度使以右衛上將軍王泌為靈州大都督府長史靈鹽

節度使秋七月癸亥吐蕃請和八月丙申環王寇安南

都護張舟敗之癸卯贈太師裴冕宜配享代宗廟廷贈

太師李晟贈太尉段實秀宜配享德宗廟廷九月庚戌

以成德軍都知兵馬使王承宗檢校工部尚書充成德

軍節度使以德州刺史薛昌朝檢校左常侍充保信軍節度德棣等州觀察使昌朝婚于王氏朝廷以承宗難制乃割二州為節度以授昌朝丁卯邠寧節度使高崇文卒冬十月癸酉以右羽林統軍閻巨源為邠州刺史邠寧慶節度使辛巳成德軍節度使王承宗反執保信軍節度使薛昌朝詔承宗在身官爵並宜削奪癸未左神策軍護軍中尉吐突承瓘為左右神策河陽浙西宣歙鎮州行營兵馬招討處置使以討之京兆尹許孟容與諫官面論征伐大事不可以內官為將帥補闕獨孤

二行小注謹字不必寫

郁其言激切詔祇改處置為宣慰猶存招討之名癸巳降死罪以下賜文武官子為父後者勲兩轉謹按舊書是月以冊

儲肆赦新書閏三月丁卯立皇太子考惠昭太子傳冊禮用孟夏雨不克改用孟秋亦雨冬十月克行禮蓋制下在閏月至是始受冊成禮耳十一月己巳彰義軍節度使吳少誠卒

其弟少陽自稱留後是歲置保信軍節度使廢浙江西道節度以觀察領鎮海軍使依方鎮表輯

五年春正月己巳左神策大將軍鄺定進及王承宗戰死之三月癸丑以鄭綯檢校禮部尚書廣州刺史嶺南節度使己未以遂王宥為彰義軍節度使以中州刺史

吳少陽為申光蔡節度留後甲子大風拔木夏四月丁亥河東節度使范希朝義武軍節度使張茂昭及王承宗戰于木刀溝敗之壬申以昭義都知兵馬使烏重允為懷州刺史河陽三城懷州節度使以河陽節度使孟元陽為潞州長史昭義軍節度澤潞磁邢洺觀察使戊戌貶前昭義節度使盧從史為驩州司馬秋七月丁未赦王承宗幽州劉濟加中書令魏博田季安加司徒淄青李師道加僕射乙卯幽州盧龍軍節度使劉濟卒其子總自稱留後庚申以虔州刺史馬總為安南都護本

管經畧使九月壬戌以劉總起復授幽州長史充幽州盧龍軍節度使丙寅太常卿權德輿為禮部尚書同中書門下平章事冬十月張茂昭以易定二州歸於有司辛巳義武軍都虞候楊伯玉反伏誅是月義武軍兵馬使張佐元反伏誅壬辰以任廸簡檢校工部尚書定州長史充義武軍節度觀察北平軍等使甲午以前義武軍節度使張茂昭檢校太尉兼中書令河中尹充河中國絳慈隰節度使十一月甲辰會王纁薨庚戌以前河中節度使王鐔檢校司空兼太子太傅太原尹北都留

守河東節度使以代州刺史阿跌光進為單于大都護  
振武麟勝節度度支營田觀察押蕃落等使庚申裴均  
罷宰相表罷為兵部尚書十二月癸酉以刑部尚書李鄘檢校吏

部尚書無揚府長史充淮南節度使是歲罷保信軍武

昌軍節度依方鎮表輯

六年春正月丙申以彰義軍留後吳少陽檢校工部尚

書充彰義軍節度申光蔡等州觀察使庚申淮南節度

使李吉甫為中書侍郎同中書門下平章事二月壬申

李藩罷宰相表罷為太子詹事丙子河中節度使張茂昭卒己丑

忻王造薨癸巳以陝虢觀察使張宏靖檢校禮部尚書

河中尹晉絳慈等州節度使三月乙未以河南尹郝士

美檢校工部尚書無潞府長史昭義軍節度使丁未以

檢校右僕射嚴綬為江陵尹荆南節度使夏四月庚午

以戶部侍郎李夷簡檢校禮部尚書襄州大都督府長

史山南東道節度使五月庚子以左金吾衛將軍李惟

簡檢校戶部尚書鳳翔尹隴右節度使丙午前山南東

道節度使裴均卒壬子振武軍節度使阿跌光進賜姓

李氏秋七月癸巳尚書右僕射高郢卒八月乙丑以天

德軍防禦使張煦為夏州刺史夏綏銀等州節度使冬  
十月以前夏州節度使李愿檢校兵部尚書徐州刺史  
充武寧軍節度使十一月癸巳華州刺史李藩卒十二  
月巳丑戶部侍郎李絳為中書侍郎同中書門下平章  
事閏月辛卯辰淑州首領張伯靖反考異曰舊傳作辰  
錦二州今從實錄  
寇播費二州辛亥皇太子薨謚曰惠昭

七年春正月巳巳以刑部尚書趙宗儒檢校吏部尚書  
興元尹山南西道節度使癸酉振武河溢毀東受降城  
二月辛亥山南西道節度使裴玢卒夏四月癸巳詔民

田晦樹桑二六月癸巳杜佑罷

三師表佑為  
太保致仕

秋七月乙

亥立遂王宥為皇太子改名恒八月戊戌魏博節度使

田季安卒其子懷諫自稱知軍府事辛亥以左龍武大  
將軍薛平為滑州刺史義成軍節度使九月京師地震  
冬十月乙未魏博軍以田季安之將田興知軍事甲辰  
以魏博都知兵馬使田興檢校工部尚書兼魏州大都督  
府長史充魏博節度使庚戌降死罪以下賜文武官子  
為父後者勲兩轉是月魏博節度使田興以六州歸于  
有司十一月辛酉赦魏博貝衛澶相六州給復一年賜

高年孤獨廢疾粟帛賞軍士辛未太保杜佑卒

八年春正月辛未權德輿罷宰相表罷為禮部尚書癸未以山南

東道節度使李夷簡檢校戶部尚書成都尹充劍南西

川節度使以戶部尚書袁滋檢校兵部尚書襄州刺史

充山南東道節度使二月辛卯田興改名宏正丁酉貶

于頔為恩王傅三月甲子劍南西川節度使武元衡為

門下侍郎同中書門下平章事夏四月己亥黔中經畧

使崔能討張伯靖五月癸亥荆南節度使嚴綬討伯靖

丁丑大隗山崩六月丙戌以東都留守韓皋檢校吏部

尚書兼許州刺史充忠武軍節度使辛卯渭水溢辛丑

出宮人秋七月丁卯以振武節度使李光進為靈州大

都督府長史靈武節度使己巳劍南東川節度使潘孟

陽討張伯靖八月辛巳湖南觀察使柳公綽討伯靖丁

未伯靖降冬十月辛卯涇原節度使朱忠亮卒戊戌以

神策普潤鎮使蘇光榮為涇州刺史四鎮北庭行軍涇

原節度使十二月丙戌以桂管觀察使馬總為廣州刺

史嶺南節度使庚寅振武將楊遵反逐其節度使李進

賢丙午以金吾衛將軍田進為夏州刺史夏綏銀節度

使

九年春二月癸卯李絳罷

宰相表罷為禮部尚書

丁未詔以歲饑

放關內元和八年以前逋租錢粟賑常平義倉粟三十萬石三月丙辰雋州地震辛酉以鄭餘慶檢校右僕射興元尹山南西道節度使夏四月庚寅詔賜太師渾瑊宜配享德宗廟庭五月乙丑桂王綸薨癸酉以旱免京畿夏稅六月庚辰以義武軍節度副使渾鎬檢校工部尚書兼定州大都督府長史克義武軍節度使易定觀察使北平軍等使壬寅河中節度使張宏靖為刑部尚

書同中書門下平章事秋七月乙未以御史大夫趙宗儒檢校尚書右僕射兼河中尹河中晉絳等州節度使閏八月丙辰彰義軍節度使吳少陽卒其子元濟自稱知軍事九月丙戌以山南東道節度使袁滋檢校兵部尚書兼江陵尹荆南節度使以荆南節度使嚴綬檢校司空襄州刺史山南東道節度使丁亥山南東道節度使嚴綬忠武軍都知兵馬使李光顏壽州團練使李文通河陽節度使烏重允討吳元濟戊戌加河東節度使王鐸檢校司空同平章事冬十月太白晝見丙午李吉

甫薨壬戌以忠武軍節度使韓舉為吏部尚書以忠武軍節度副使李光顏為許州刺史忠武軍節度使甲子嚴綬為申光蔡招撫使十一月甲午以御史中丞胡証為單于大都護振武麟勝等軍節度使戊戌以左金吾大將軍郭釗檢校工部尚書邠州刺史充邠寧節度使十二月詔刑部大理官朔望入對丁未鎮武軍節度使張煦卒辛亥邠寧節度使閻巨源卒戊辰尚書右丞韋貫之同中書門下平章事

十年春正月乙酉宣武軍節度使韓宏為司徒己亥制

削奪吳元濟在身官爵二月甲辰嚴綬及吳元濟戰于

磁邱敗績

胡三省曰磁邱當作慈邱縣屬唐州取縣界慈邱山為名

自冬不雨至于

是月丙午雪壬戌河東戍將劉輔殺豐州刺史燕重旰伏誅己巳以羽林將軍李彙為涇原節度使三月庚子

忠武軍節度使李光顏及吳元濟戰于臨潁敗之夏四

月甲辰又敗之于南頓五月丙申又敗之于時曲

胡三省曰

七行小注謹字不必寫

時曲在陳州六月癸卯盜殺武元衡謹按舊書云鎮州盜刺死武元衡又刺裴度傷首而免司馬光曰按舊呂元膺傳獲李師道將訾嘉珍門察皆稱害武元衡者然則元衡之死必師道所為也但以元衡叱尹少卿及承宗上表詆元衡故時人皆指承宗耳

戊申京



師大索乙丑御史中丞裴度為中書侍郎同中書門下  
平章事秋七月庚午靈武節度使李光進卒辛未以神  
策軍長武城使杜叔良為朔方靈鹽定遠城節度觀察  
使甲戌王承宗有罪絕其朝貢丙戌涇原節度使李彙  
卒以將作監王潛為涇州刺史四鎮北庭涇原節度使  
八月己亥朔日有食之丁未李師道將訾嘉珍反于東  
都留守呂元膺敗之乙丑李光顏及吳元濟戰于時曲  
敗績九月癸酉韓宏為淮西行營兵馬都統冬十月地  
震庚子始析山南東道為兩節度使以戶部侍郎李遜

為襄州刺史充襄復郢均房節度使以右羽林將軍高

霞寓為唐州刺史充唐隨鄧節度使刑部尚書權德輿

奏請行用刪定勅格三十卷從之

謹按唐會要開元十  
九年裴光庭等奏令

有司刪撰格後長行勅六卷今又刪  
定二十五年以後長行勅為三十卷

十一月壬申李光

顏烏重允及吳元濟戰于小澗河敗之丁丑李文通又  
敗之于固始戊寅盜焚獻陵寢宮十二月甲辰武寧軍  
都押衙王智興及李師道戰于平陰敗之乙丑河東節  
度使王鐸卒是歲丹王逾薨

十一年春正月己巳張宏靖罷

宰相表罷檢校使  
尚書河東節度使

乙

亥幽州盧龍軍節度使劉總及王承宗戰于武彊敗之  
癸未削奪王承宗在身官爵免鄰賊州二歲稅甲申盜  
斷建陵門戰二月庚子王承宗焚蔚州乙巳中書舍人  
李逢吉為門下侍郎同中書門下平章事乙丑地震三  
月庚午皇太后崩夏四月庚子李光顏烏重允及吳元  
濟戰于凌雲柵敗之胡三省曰凌雲柵在潞水西南鄆  
城縣東北蔡人立柵于此以凌雲  
為乙卯劉總及王承宗戰于深州敗之己未免京畿二  
歲逋稅五月丁卯宥州軍亂逐其刺史駱怡夏綏銀節  
度使田緡敗之丁亥雲南蠻寇安南六月密州海溢甲

辰唐鄧節度使高霞寓及吳元濟戰于鐵城敗績

宋白曰鐵

城在新興柵東北新興柵在吳房縣西南文城東北

秋七月丁丑貶隨唐節度使

高霞寓為歸州刺史以河南尹鄭權為襄州刺史充山  
南東道節度使以荆南節度使袁滋為唐州刺史彰義  
軍節度使申光唐蔡隨鄧州觀察使以華州刺史裴武  
為江陵尹充荆南節度使壬午韓宏及吳元濟戰于郾  
城敗之丙戌免淮西鄰賊州夏稅八月甲午渭水溢壬  
寅韋貫之罷宰相表罷為吏部侍郎戊申西原蠻陷賓蠻二州已  
未昭義軍節度使郝士美及王承宗戰于柏鄉敗之庚

申葬莊憲皇太后于豐陵冬十月丁巳以刑部尚書權  
德輿檢校吏部尚書兼興元尹充山南西道節度使丙  
寅幽州劉總加平章事鄆州李師道加檢校司空師道  
聞拔凌雲柵乃懼偽貢款誠故有是命十一月乙丑邕  
管經略使韋悅克賓蠻二州甲戌元陵火十二月丙午  
以易州刺史陳楚為定州刺史義武軍節度使丁未翰  
林學士工部侍郎王涯為中書侍郎同中書門下平章  
事甲寅以閑廐宮苑使李愬檢校左散騎常侍兼鄧州  
刺史充唐隨鄧等州節度使己未西原蠻陷巖州是冬

桃李華

十二年春正月丁丑地震癸未貶義武軍節度渾鎬為  
循州刺史甲申貶唐鄧節度使袁滋為撫州刺史戊子  
有彗星出于畢三月戊辰滄州程執恭改名權夏四月  
辛卯唐鄧隨節度使李愬及吳元濟戰于渣呀山敗之  
乙未李光顏又敗之于郾城五月辛酉李愬又敗之于  
張柴秋七月甲辰嶺南節度使崔詠卒庚戌以國子祭  
酒孔戣為廣州刺史嶺南節度使丙辰裴度為淮西宣  
慰處置使戶部侍郎崔羣為中書侍郎同中書門下平

章事八月庚申以河南尹辛秘為潞府長史昭義軍節度使代郝士美以士美為工部尚書孟簡為戶部侍郎

癸亥烏重允及吳元濟戰于賈店敗績九月戊戌劍南

東川節度盧坦卒丁未李逢吉罷宰相表罷為劍南東川節度使甲寅

李勣及吳元濟戰于吳房敗之冬十月癸酉克蔡州考異

曰按十月戊午朔韓愈平淮西碑云壬申勣用所得賊將自文城因天大雪疾馳百二十里即十五日也又曰

用夜半到蔡破其門取元濟以獻即十六日實錄已卯執元濟乃奏到日也甲戌淮南節度

使李鄘為門下侍郎同中書門下平章事以左丞衛次

公代鄘為淮南節度使甲申給復淮西二年免旁州來

歲夏稅葬戰士梟其家五年十一月丙戌吳元濟伏誅以

李勣檢校尚書左僕射襄州刺史充山南東道節度襄

鄧隨唐福郢均房等州觀察等使加宣武軍節度使韓

宏兼侍中忠武軍節度使李光顏河陽節度使烏重允

並檢校司空以宣武軍都虞侯韓公武檢校左散騎常

侍鄜州刺史鄜坊丹延節度使甲午恩王連薨戊申以

淮西宣慰副使馬總為彰義節度留後十二月壬戌以

裴度守本官賜上柱國晉國公以蔡州留後馬總檢校

工部尚書蔡州刺史彰義軍節度使澠州潁陳許節度

使是歲容管經略使陽旻克欽橫潯貴四州河南河北水彰義節度復為淮西節度廢唐鄧隨節度

依方鎮表輯

十三年春正月乙酉大赦免元和二年以前逋負賜高年米帛羊酒辛亥以禮部尚書王播為成都尹劍南西川節度使三月戊戌御史大夫李夷簡為門下侍郎同中書門下平章事李鄘罷

宰相表罷為戶部尚書

已酉橫海軍節

度使程權以滄景二州歸于有司權朝于京師夏四月甲寅王承宗獻德棣二州庚辰赦承宗五月乙酉鳳翔節度使李惟簡卒丙辰以忠武軍節度使李光顏為滑

州刺史義武軍節度使以彰義軍節度使馬總為許州刺史忠武軍節度使陳許澠蔡觀察等使戊戌以山南東道節度使李愬為鳳翔尹鳳翔隴右節度使丙午以戶部侍郎孟簡檢校工部尚書襄州刺史山南東道節度使六月癸丑朔日有食之癸亥給復德棣滄景四州一年辛未淮水溢丁丑以滄景節度使程權為邠州刺史邠州節度使秋七月癸未以李愬為徐州刺史武寧軍節度使乙酉詔削奪李師道在身官爵宣武魏博義成橫海軍討李師道辛丑李夷簡罷

宰相表檢校左僕射同平章事淮南

節度使庚戌以左僕射鄭餘慶為鳳翔隴右節度使八月

壬子王涯罷宰相表罷為兵部侍郎戊午以尚書右丞崔從為興

元尹山南西道節度使戊寅前山南西道節度使權德輿卒九月甲申以左衛將軍高霞寓為單于大都護振武麟勝節度使甲辰戶部侍郎皇甫鏘諸道鹽鐵轉運使程昇為工部侍郎同中書門下平章事冬十月壬戌吐蕃寇宥州靈武節度使杜叔良敗之于定遠城癸亥前淮南節度使衛次公卒丙子以左金吾衛大將軍薛平檢校刑部尚書滑州刺史充義成軍節度使以義成

軍節度使李光顏為許州刺史充忠武軍節度使陳許觀察等使十一月丁亥命山人柳泌為台州刺史以求藥壬寅以河陽節度使烏重允為滄州刺史橫海軍節度使滄景德棣觀察等使丁未以華州刺史令狐楚為懷州刺史充河陽三城懷孟節度使十二月庚戌迎佛骨于鳳翔是歲罷河陽淮西節度依方鎮表輯

十四年春正月丙午田宏正及李師道戰于陽穀敗之辛巳斬前滄州刺史李宗奭初除程權滄州宗奭拒詔不受代既而為三軍所逐乃入朝故誅之二月戊午田

宏正奏淄青都知兵馬使劉悟斬李師道并男二人首請降。庚午。以淄青兵馬使劉悟檢校工部尚書。滑州刺史充義成軍節度使。封彭城郡王。癸酉。田宏正加檢校司徒。同中書門下平章事。三月己丑。以義成軍節度使薛平為青州刺史。充平盧軍節度。淄青齊登萊等州觀察等使。夏四月戊午。以刑部尚書李愿為鳳翔尹。充鳳翔隴右節度使。辛未。程异薨。丙子。裴度罷。宰相表檢校左僕射兼門下侍郎同平章事。河東節度使。五月庚辰。以楚州刺史李聽為夏州刺史。夏綏銀宥等州節度使。丙戌。以河東節度使張宏靖

為吏部尚書。以忠武軍節度使李光顏為邠寧慶節度使。庚寅。以工部尚書郝士美檢校刑部尚書。許州刺史充忠武軍節度使。秋七月戊寅。韓宏以汴宋亳潁四州歸于有司。宏朝于宗師。己丑。羣臣上尊號曰元和聖文神武法天應道皇帝。大赦。賜文武官階勳爵。遣黜陟使于天下。辛卯。沂海將王弁殺其觀察使王遂。自稱留後。丁酉。河陽節度使令狐楚為中書侍郎。同中書門下平章事。癸卯。以前黔中觀察使魏義通為懷州刺史。河陽三城懷孟節度使。八月己酉。韓宏為中書令。癸丑。以吏

部尚書張宏靖檢校尚書左僕射同平章事汴州刺史

宣武軍節度使戊辰陳許節度使郝士美卒九月戊寅

王弁伏誅癸未以國子祭酒李遜檢校禮部尚書許州

刺史忠武軍節度使陳許殷蔡等觀察使冬十月壬戌安

南將楊清殺其都護李象古以反癸酉吐蕃寇鹽州十

一月辛卯朔方將史敬奉及吐蕃戰于瓠蘆河敗之十

二月乙卯崔羣罷宰相表罷為是歲置鄆曹濮節度使

罷河中節度依方鎮表輯

十五年春正月宦者陳宏志等反庚子皇帝崩年四十

一行小注謹字不必寫

三謹按舊書云時以暴崩皆言內官陳宏志弒逆史氏故舊史于憲宗疑以傳疑其後文宗謀誅宦者本討元

和之亂宣宗追怨穆宗以為預謀窮治逆黨誅之殆盡其子孫皆以為弒無疑矣故

正其事曰為陳宏志所弒謚曰聖神章武孝皇帝廟

號憲宗五月庚申葬于景陵胡三省曰景陵在同州奉先縣西北二十里金熾山

大中三年加謚昭文章武大聖至神孝皇帝

憲宗元和十五年

穆宗皇帝諱恒憲宗第三子也母曰懿安皇太后郭氏

刻本卷十三

貞元十年七月生于大明宮之別殿始封建安郡王初

名宥吳縝曰按憲宗紀元和元年進封子延安郡王宥為遂王即穆宗也延安建安字有悞元和七年立



遂王宥為皇太子十五年皇太子即皇帝位以上穆宗  
之為皇太子也其名宥也及本紀則諱恒新史又不載  
改名年月蓋新史凡諸帝在潛之日諸事多所簡畧不  
復詳述然既為一朝之史凡人主或皇太子之名豈細  
故哉今乃削而不著使覽者莫見本末則難免闕文之  
譏也自後文武宣懿僖昭六帝在藩與本紀所載之諱  
皆不同又不見所改年進封遂王遙領彰義軍節度使  
月其失皆與穆紀同也

元和七年惠昭太子薨左神策軍中尉吐突承璀欲立  
澧王憚而憚母賤不當立乃立遂王為皇太子十五年

正月庚子憲宗崩陳宏志殺吐突承璀及澧王辛丑遺

詔皇太子即皇帝位于柩前劉友益曰唐世宦  
官弒君立君始此司空魚

中書令韓宏攝冢宰閏月丙午皇太子即皇帝位于太

極殿丁未貶皇甫鎛為崖州司戶參軍戊申始聽政辛

亥御史中丞蕭俛中書舍人翰林學士段文昌為中書

侍郎同中書門下平章事詔山人柳泌輕懷左道上惑

先朝僧大通醫方不精藥術皆妄付京兆府決杖處死

丁巳以劍南東川節度使李逢吉為襄州刺史充山南

東道節度使以吏部侍郎王涯檢校禮部尚書梓州刺

史充劍南東川節度使丙寅以右神策大將軍張維清

為單于大都護充振武麟勝節度使乙卯尊母為皇太

后戊辰京師地震二月丁丑大赦賜文武官階爵高年

粟帛。二王後三恪。又宣公嗣王公主。縣主武德配享。及第一等功臣家。予一子官。放沒掖庭者。幸丹鳳門觀俳優。丁亥。幸左神策軍觀角觝倡戲。乙未。吐蕃寇靈州。丙申。丹王逾薨。三月癸卯。贈皇太后父郭曖太傅。母虢國大長公主。贈齊國大長公主。乙巳。杜叔良及吐蕃戰。敗之。壬子。召侍講學士韋處厚。路隨于太液亭講毛詩。關雎。尚書洪範等篇。既罷。並賜緋魚袋。戊辰。大風雨。雹。辛未。楊清伏誅。六月丁丑。韓宏罷。宰相表不載。舊書云。為河中尹。充河中。晉絳慈隰等州節度使。戊寅。以金吾將軍李佑檢校左散騎常侍。兼夏

州刺史。充夏綏銀宥節度使。代李聽。以聽為靈州大都

督府長史。充朔方靈鹽節度使。七月乙巳。鄆曹濮等州

節度。賜號天平軍。丁卯。令狐楚罷。宰相表。罷為宣歙觀察使。八月癸

酉。太子少傅李鄲卒。乙酉。容管經畧留後嚴公素及黃

洞蠻戰于神步。敗之。戊戌。御史中丞崔植為中書侍郎。

同中書門下平章事。九月辛丑。觀競渡角觝于魚藻宮。

用樂。程大昌曰。禁池中有山。山中建魚藻宮。自東內苑。元化門入。禁苑魚藻宮在其西。戊午。加

裴度守司空。門下侍郎同平章事。李光顏並同中書門

下平章事。以李勣為同中書門下平章事。潞州大都督

府長史充昭義軍節度澤潞磁邢洺觀察處置等使丙寅以御史大夫崔羣檢校兵部尚書徐州刺史充武寧軍節度徐泗宿濠觀察等使以將作監崔能為廣州刺史充嶺南節度使十月庚辰王承宗卒辛巳成德軍觀察支使王承元以鎮趙深冀四州歸于有司癸未吐蕃寇涇州右神策軍中尉梁守謙為左右神策京西京北行營都監以禦之乙酉以田宏正檢校司徒兼中書令鎮州大都督府長史成德軍節度鎮冀深趙等州觀察處置等使以王承元檢校工部尚書滑州刺史御史大

夫充義成軍節度鄭滑等州觀察等使以李勣為魏州大都督府長史充魏博等州節度觀察等使以劉悟兼潞州大都督府長史充昭義節度澤潞邢洺磁等州觀察等使以左金吾將軍田布檢校左散騎常侍兼懷州刺史御史大夫充河陽三城懷孟節度使丙戌吐蕃遁十一月癸卯赦鎮趙深冀四州死罪以下賜成德軍將士錢已未上由複道出城幸華清宮癸亥檢校司徒兼太子少師鄭餘慶卒十二月庚辰獵于城南壬午擊鞠于右神策軍遂獵于城西甲申獵于苑北己丑崖州司戶

參軍皇甫鎛卒。是歲復置河中節度。

依方鎮表輯

長慶元年春正月己亥朝獻于太清宮。庚子朝享于太廟。辛丑有事于南郊。大赦。改元。賜文武官階勳爵。癸卯以河陽懷節度使田布為涇州刺史。充四鎮北庭行營涇原節度使。以刑部尚書郭釗檢校戶部尚書懷州刺史。充河陽三城懷節度使。以涇原節度使王潛檢校兵部尚書。江陵尹充荆南節度使。乙巳鄜坊節度使韓瓘改名充。己未有星孛于翼。壬戌蕭俛罷。宰相表罷為尚書右僕射丁卯有星孛于太微。二月乙亥觀樂于麟德殿。丙子觀神

策諸軍雜伎。己卯劉總以盧龍軍八州歸于有司。壬午

段文昌罷。

宰相表檢校刑部尚書同平章事西川節度使

翰林學士戶部侍郎

杜元穎同中書門下平章事。辛卯擊鞠于麟德殿。三月

庚戌太白晝見。癸丑以幽州盧龍軍節度副大使劉總檢校司徒兼侍中。天平軍節度鄆曹濮等州觀察等使以宣武軍節度使張宏靖為檢校司空同平章事。兼幽州大都督府長史。充幽州盧龍軍節度使。以鳳翔節度使李愿檢校司空。汴州刺史充宣武軍節度使。以邠寧節度使李光顏為鳳翔尹。充鳳翔隴右節度使。以右衛

大將軍高霞寓檢校工部尚書。邠州刺史。充邠寧節度使。丁巳。赦幽。涿。檀。順。瀛。莫。管。平。八州死罪以下。給復一年。賜盧龍軍士錢。戊午。封弟憬為廊王。悅瓊王。恂。沔王。懌。懿王。惲。茂王。怡光王。協。溜王。憺。衢王。悅。澶王。子。湛。為鄂王。涵。江王。湊。漳王。溶。安王。灑。潁王。是月。徙封湛為景王。甲子。劉總堅請為僧。賜號大覺。總是夜遁去。幽州人不知所之。夏四月丙子。以前天平軍節度使馬總復為天平軍節度使。五月丙辰。建王審薨。吳縝糾繆曰。憲宗初名寬。深王察。洋王寰。絳王寮。建王審元。和七年。並改今名。則是寬以下。其名皆改從心。故審改名恪。而本傳

書為建王恪也。至長慶元年。薨時。猶書為審。其誤可見。六月。有彗星出于昴。辛未。吐蕃寇青塞烽。吐蕃傳作青塞堡。鹽州刺史李文悅敗之。秋七

月甲辰。幽州盧龍軍都知兵馬使朱克融囚其節度使張宏靖以反。壬子。羣臣上尊號曰文武孝德皇帝。大赦。賜文武官階勳爵。庚申。以昭義軍節度使劉悟檢校司空。兼幽州大都督府長史。充幽州盧龍軍節度副大使。知節度事。壬戌。成德軍大將王廷湊殺其節度使田宏正以反。八月辛未。以左金吾將軍楊元卿為涇州刺史。充四鎮北庭行軍涇原節度使。壬申。朱克融陷莫州。癸

酉王廷湊陷冀州刺史王進友死之乙亥以前涇原節度使田布起復檢校工部尚書兼魏州大都督府長史充魏博節度使丙子瀛州軍亂執其觀察使盧士攻叛附于朱克融王廷湊寇深州丁丑魏博橫海昭義河東義武軍討王廷湊己丑裴度為幽鎮招撫使九月乙巳相州軍亂殺其刺史邢澧冬十月丙寅諸道鹽鐵轉運使刑部尚書王播為中書侍郎同中書門下平章事裴度為鎮州西面行營都招討使左領軍衛大將軍杜叔良為深州諸道行營節度使戊辰以牛元翼為鎮州大都

督府長史充成德軍節度鎮冀深趙等州節度使戊寅王廷湊陷貝州易州刺史柳公濟及朱克融戰于白石敗之庚辰橫海軍節度使烏重允及王廷湊戰于饒陽敗之丙戌以深冀行營節度使杜叔良為滄州刺史橫海軍節度使以代烏重允授重允檢校司徒興元尹充山南西道節度使戊子太子少保李愬卒辛卯靈武節度使李進誠及吐蕃戰于大石山敗之胡三省曰大石山在魯州東南十一月甲午裴度及王廷湊戰于會星敗之丙申朱克融寇定州義武軍節度使陳楚敗之辛酉淄青牙將馬廷

盜謀逆。節度使覺其謀而誅之。

考異曰。據實錄。作馬廷。登。舊傳作馬狼兒。河南

記作馬士端。今從實錄。

十二月庚午。杜叔良及王廷湊戰于博野。

敗績。丁丑。陳楚及朱克融戰于望都。敗之。戊寅。以鳳翔

節度使李光顏為忠武軍節度使。代李遜。仍兼深冀行

營節度。以李遜為鳳翔節度使。乙酉。赦朱克融。以克融

檢校右散騎常侍。充幽州盧龍軍節度使。己丑。陳楚及

克融戰于清源。敗之。是歲。置沂海瀛莫節度使。置深冀

節度使。尋罷。

依方鎮表輯。

二年春正月庚子。魏博軍潰于南宮。癸卯。魏博節度使

田布自殺。兵馬使史獻誠自稱留後。己酉。以史獻誠檢

校工部尚書。兼魏州大都督府長史。充魏博節度使。海

州海冰。庚戌。以德州刺史王日簡為滄州刺史。充橫海

軍節度。滄德棣觀察等使。以代杜叔良。貶叔良為歸州

刺史。甲寅。以工部尚書崔俊檢校禮部尚書。兼鳳翔尹

充鳳翔隴右節度使。己未。刑部尚書李遜卒。庚子。以沂

兗密觀察使曹華為節度使。以李進誠兼靈州刺史。充

朔方靈鹽定遠城等州節度使。二月甲子。赦王廷湊。仍

授鎮州大都督府長史。御史大夫。充成德軍節度。鎮冀

深趙等州觀察等使丙寅以牛元翼檢校工部尚書襄  
州刺史充山南東道節度觀察臨漢監牧等使癸酉以  
鄜坊丹節度使韓充為義成軍節度使以代王承元為  
鄜坊節度使甲戌王日簡賜姓名全畧辛巳崔植罷宰相  
表罷為刑部尚書工部侍郎元稹同中書門下平章事癸未以  
忠武軍節度使李光顏為滄州刺史橫海軍節度使以  
橫海軍節度使李全畧為德州刺史德棣等州節度使  
丁亥以河東節度使裴度守司徒平章事充東都留守  
以李聽為太原尹北都留守河東節度使戊子昭義軍

節度使劉悟囚其監軍使劉承階三月乙巳武寧軍節  
度副使王智興逐其節度使崔羣壬子以東都留守裴  
度為揚州大都督府長史充淮南節度使丁巳以左丞  
崔從檢校禮部尚書鄜州刺史鄜坊節度使以代王承  
元以承元為鳳翔隴右節度使戊午守司徒淮南節度  
使裴度同中書門下平章事王播罷宰相表檢校尚書  
南節度使已未以武寧軍節度使王智興檢校工部尚書魚  
徐州刺史充武寧軍節度使以德棣節度使李全畧復  
為滄州節度使夏四月辛酉朔日有食之壬戌成德軍



節度使牛元翼奔于京師。王廷湊陷深州。五月壬寅。邕州刺史李元宗叛。奔于黃洞蠻。六月癸亥。宣武軍宿直將李臣則逐其節度使李愿。衙門都將李芥反。甲子。裴度元稹罷。宰相表度罷為尚書左僕射。稹罷為同州刺史。兵部尚書李逢吉為門下侍郎同中書門下平章事。乙丑。大風落太廟鸛尾。丁卯。以易州刺史柳公濟為定州刺史。義武軍節度使癸酉。吐蕃寇靈州。鹽州刺史趙旰敗之。秋七月丙申。宋王結薨。丙午。貶李愿為隨州刺史。以鄭滑節度使韓充為汴州刺史。宣武軍節度使汴宋亳穎觀察等使戊申。

李芥陷宋州。丙辰。充鄆節度使曹華及李芥戰于宋州。敗之。丁巳。忠武軍節度使李光顏又敗之于尉氏。八月戊辰。以左僕射韓臯為東都留守。以東都留守陳楚為河陽懷節度使。壬申。宣武軍節度使韓充又敗李芥于郭橋。九域志汴州祥符縣有郭橋鎮。丙子。芥伏誅。丁丑。以充海沂密節度使曹華為華州刺史。充義成軍節度鄭滑穎等州觀察等使。以宋州刺史高承簡為兗州刺史。充海沂密等州節度使。癸未。詔瘞汴宋鄭三州陣亡者。稟其家三歲。九月戊子。鎮海軍將王國清謀反。伏誅。丙申。德州軍亂。

殺其刺史王稷壬子太子少師李夷簡卒癸丑以前河陽節度使郭釗為河中尹兼河中絳隰等州節度使冬十月壬戌韓宏守司徒兼中書戊辰興元節度使烏重允授天平軍節度使是日上由復道幸咸陽止于善因佛寺施僧錢百萬咸陽令絹百匹己卯獵于咸陽閏月戊子韋綬為興元尹充山南西道節度使甲寅詔江淮諸州旱損頗多取常平義倉據時估減半價出糶以惠貧民十一月庚午皇太后幸華清宮癸酉迎皇太后遂獵于驪山丙子集王緄薨十二月丁亥不豫放五坊鷹

隼及供獵狐兔司徒中書令韓宏卒癸巳立景王湛為皇太子己酉以前天平軍節度使馬總檢校左僕射守戶部尚書癸丑降死罪以下賜文武常參及州府長官子為父後者勲兩轉宗子諸親一轉是冬無冰草木萌是歲廢瀛莫節度

依方鎮表輯

三年春二月戶部尚書崔俊卒三月壬戌御史中丞牛僧孺為戶部侍郎同中書門下平章事癸亥淮南浙東西江南宣歙早遣使宣撫繫囚察官吏夏四月甲午陸州獠反五月山南東道節度使牛元翼卒秋七月丙

寅黃洞蠻陷欽州八月鄭滑節度使曹華卒檢校尚書  
右僕射馬總卒興元節度使韋綬卒上由復道幸興慶  
宮至通化門賜持孟僧絹二百匹因幸五坊賜從官金  
銀銚有差九月壬子朔日有食之冬十月己丑杜元穎  
罷宰相表檢校禮部尚書劍南西川節度使陳楚卒辛  
卯黃洞蠻寇安南

四年春正月辛亥降死罪以下減流人一歲賜文武官  
及宗子賀正使階勳爵詔百官言事上餌金石之藥處  
士張臯上疏切諫上悅召之求臯不獲辛未以皇太子

權句當軍國政事壬申皇帝崩于清思殿

胡三省曰自左銀臺門西

入經太和殿至清思殿清思殿之南則宣徽殿北則珠鏡殿

年三十羣臣上諡曰睿

聖文惠孝皇帝廟號穆宗十一月庚申葬于光陵

胡三省曰

光陵在同州奉先縣北十五里堯山

### 穆宗長慶四年

敬宗皇帝諱湛穆宗長子也母曰恭僖皇太后王氏元  
和四年六月七日生於東內之別殿始封鄂王徙封景  
王長慶二年十二月穆宗因擊毬暴得疾不見羣臣者  
三日左僕射裴度三上疏請立皇太子而翰林學士兩

省官相次皆以為言居數日穆宗疾少間宰相李逢吉請立景王為皇太子四年正月穆宗崩癸酉門下侍郎平章事李逢吉攝冢宰丙子皇太子即皇帝位于太極殿二月辛巳始聽政癸未尊母為皇太后皇太后為太皇太后辛卯放掖庭內園沒入者丁未擊鞠于中和殿戊申擊鞠于飛龍院黃洞蠻降己酉擊鞠用樂三月壬子大赦免京畿河南青苗稅減宮禁經費乘輿膳服罷貢鷹犬元和以來兩京藩鎮歸地者予一子官庚午太白經天甲戌夏州節度使李祐奏于塞外築烏延宥州

臨塞陰河陶子等五城以備吐蕃寇又以党項為盜于蘆子關北木瓜嶺築壘以扼其衝乙亥幸教坊賜伶官綾給三千五百匹四月丙申擊鞠于清思殿染坊匠張韶反幸左神策軍韶伏誅丁酉還宮五月乙卯吏部侍郎李程戶部侍郎判度支竇易直同中書門下平章事癸亥以鹽州刺史傅良弼為夏州節度使六月己卯以左神策大將康日全為鄜坊節度使庚辰大風壞延喜景風門壬辰以左金吾大將軍李愿檢校司空魚河中尹御史大夫充河中絳隰等州節度使丙申山南西道

節度使裴度。加同中書門下平章事。加陳許節度使李光顏守司徒。癸卯。太保張宏靖卒。是夏。漢水溢。八月丁亥。太白晝見。丁酉。中官李文德謀反。伏誅。黃洞蠻寇安南。乙巳。宣武軍節度使韓充卒。九月庚戌。以河南尹令狐楚檢校禮部尚書。汴州刺史宣武軍節度使宋汴亳觀察等使。戊午。加朱克融檢校司空。十月庚子。嶺南節度使程權卒。壬寅。以鄂岳觀察使崔植檢校吏部尚書。兼廣州刺史御史大夫。充嶺南節度觀察經畧使。十一月戊午。環王反。黃洞蠻陷陸州。刺史葛維死之。十二月庚

寅。加天平軍節度使烏重允同平章事。丁酉。宰相牛僧孺進封奇章郡公。李程彭原郡公。竇易直晉陽郡公。

寶歷元年春正月己酉。朝獻于太清宮。庚戌。朝享于太

廟。辛亥。有事于南郊。大赦。改元。乙卯。牛僧孺罷。

宰相表  
檢校禮

部尚書同平章  
事武昌節度使

三月乙巳。以兵部尚書郭釗為梓州刺

史。劍南東川節度使。夏四月甲戌。宰相李逢吉進封鄭國公。以右神策大將軍康志睦檢校工部尚書。兼青州刺史。平盧軍節度使。癸巳。羣臣上尊號曰文武大聖廣孝皇帝。大赦。賜文武官階爵。五月庚戌。觀競渡于魚藻宮。

六月己丑。河中節度使李愿卒。乙未。以檢校左僕射兼戶部尚書薛平。檢校司空。河中尹。河中節度使。秋。七月。癸卯。以忠武軍節度使李光顏為太原尹。北都留守。以河東節度使王沛為許州刺史。忠武軍節度使。癸丑。以右金吾衛大將軍張茂宗為兗海沂密節度使。閏月。壬辰。以前河東節度使李聽為義成軍節度使。九月。壬午。昭義軍節度使劉悟卒。其子從諫自稱留後。十一月。丙申。封子普為晉王。十二月。辛丑。以晉王普為昭義軍節度副大使。以劉悟子從諫充昭義軍節度留後。

二年春正月甲戌。發神策六軍穿池于禁中。二月。丁未。山南西道節度使裴度守司空。同中書門下平章事。丁卯。以禮部尚書王涯。檢校左僕射。為山南西道節度使。三月。戊寅。觀競渡于魚藻宮。夏四月。戊戌。橫海軍節度使李全畧卒。其子同捷反。壬寅。以右金吾衛大將軍高承簡為邠寧節度使。丙午。王廷湊。檢校司空。戊申。昭義軍節度留後劉從諫。檢校工部尚書。充昭義節度副大使。知節度事。丙辰。右金吾衛大將軍高霞寓卒。五月。甲戌。以涇原節度楊原卿為河陽三城懷州節度使。以金

吾衛大將軍李祐為涇原節度使戊寅觀競渡于魚藻宮庚辰幽州盧龍軍亂殺其節度使朱克融其子延嗣自稱留後癸未山人杜景先進狀稱有道術令中使押杜景先往淮南江南湖南嶺南諸州求訪異人六月辛酉觀漁于凝碧池甲子觀驢鞠角觝于三殿秋七月乙亥河中進方士八人癸未衡王絢薨以漢陂隸尚食禁民漁八月丙申令供奉道士二十人隨浙西處士周息元入內宮之山亭院上問以道術言識張果葉靜能丙午觀競渡于新池九月甲戌觀百戲于宣和殿三日而

罷戊寅河東節度使李光顏卒幽州盧龍軍兵馬使李

再義殺朱延嗣自稱留後壬午李程罷

宰相表檢校兵部尚書同平章事河中節

度使冬十月乙亥以幽州兵馬使李再義檢校戶部尚書

充盧龍軍節度副大使知節度事仍賜名載義十一月

壬申以戶部尚書胡証檢校兵部尚書兼廣州刺史充

嶺南節度使甲申李逢吉罷

宰相表檢校司空同平章事山南東道節度使已

亥禁朝官方鎮置私白身十二月辛丑帝夜獵還宮與中官劉克明田務成許文端打毬軍將蘇佐明王嘉憲石定寬等二十八人飲酒帝方酣入室更衣殿上燭忽

滅劉克明等同謀害帝。即時崩于室內。年十八。羣臣上  
謚曰睿武昭愍孝皇帝。廟號敬宗。太和元年七月葬于

莊陵。

胡三省曰。莊陵在京  
兆三原縣西北五里。

敬宗寶歷二年



